

JAVNO PREDUZEĆE «VODOVOD I KANALIZACIJA» d.o.o.

ZENICA

Direktor preduzeća

Broj: 101- 2290/16 MS
Zenica, 10.02.2016. godine

U skladu sa članom 100. stav 3. Zakona o javnim nabavkama („Službeni glasnik BiH“, broj 39/14), a na osnovu člana 26. i 27. Statuta Javnog preduzeća «Vodovod i kanalizacija», razmatrajući Žalbu ponuđača „HIFA- PETROL“ d.o.o. Sarajevo, broj: 716-2011/16, od 05.02. 2016.g., direktor Javnog preduzeća «Vodovod i kanalizacija» d.o.o. Zenica donosi

ODLUKU

o stavljanju van snage Odluke o izboru najpovoljnijeg ponuđača broj:101-899/16 HH od 25.01.2016.g. i zaključivanju ugovora za nabavku goriva sa drugorangiranim ponuđačem „HIFA- PETROL“ d.o.o. Sarajevo

I

Stavlja se van snage Odluka o izboru najpovoljnijeg ponuđača broj:101-899/16 HH od 25.01.2016.g. Ugovor za javnu nabavku u postupku dodjele ugovora za nabavku goriva, zaključuje se sa drugorangiranim ponuđačem „HIFA- PETROL“ d.o.o. Sarajevo, a prema ponudi broj: JN-40/16 od 08.01.2016.godine, za ponuđenu cijenu sa popustom, bez uračunatog PDV-a u iznosu od 66.521,01 KM.

II

Prijedlog okvirnog sporazuma dostavit će se na potpis izabranom ponuđaču „HIFA- PETROL“ d.o.o. Sarajevo, nakon isteka roka od 15 dana, računajući od dana kada su svi ponuđaču obaviješteni o izboru najpovoljnije ponude.

III

Za izvršenje ove odluke zadužuje se Komisija za nabavke.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno čl.71.st.2 Zakona o javnim nabavkama („Službeni glasnik BiH“, broj 39/14)

V

Ova Odluka objavit će se na web-stranici <http://www.vikze.ba/>.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-14396/15HK od 14.10.2015.godine, za nabavku goriva, putem otvorenog postupka objavljenog na portalu e-nabavki, dana 16.10.2015.godine, pod brojem: 439-1-1298-3-51/15.

Dana, 05.02.2016.godine drugorangirani ponuđač „HIFA-PETROL“ d.o.o. Sarajevo dostavio je Žalbu broj: JN455/16.

U predmetnoj žalbi, žalitelj navodi da su dana 27.01.2016.godine primili Odluku o izboru najpovoljnijeg ponuđača, broj: 101-899/16 od 25.01.2016.godine, kojom se ugovor dodjeljuje ponuđaču „ALMY“ d.o.o. Zenica. Žalitelj je dana 03.02.2016.godine izvršio uvid u ponude i konstatovao da ponuda ponuđača „Almy“ d.o.o. Zenica sadrži jedinične cijene izražene na sedam decimala, iako je ugovorni organ propisao u dijelu d) tenderske dokumentacije podaci o ponudi da cijene trebaju biti izražene na šest decimala. Nadalje žalitelj konstatuje da je ponuđač „Almy“ d.o.o. Zenica dostavio OPC na kojem su navedene četiri benzinske pumpe i to: Pumpa Almy 1 Zenica na adresi Vrandučka bb; Pumpa Almy 2 Zenica na adresi Vrandučka – teretna, Pumpa Almy 1 Zavidovići na adresi Pinkasa Bandta, Pumpa Almy 1 Zenica (lož ulje) Poslovna zona Pečuj. Međutim u Izjavi o roku i mjestu isporuke ponuđač je naveo da posjeduje vlastitu pumpu na adresi Ričice bb, koja je udaljena do 5 km od sjedišta ugovornog organa. Na osnovu ovih činjenica žalitelj

konstatuje da benzinska pumpa Ričice bb nije navedena u OPC niti u aktuelnom sudskom registru. Zbog svega navedenog žalitelj smatra da je ugovorni organ pogrešno i nepotpuno utvrdio činjenično stanje, te predlaže da ugovorni organ donese novu odluku ili rješenje.

Komisija je izvršila ponovni uvid u spornu ponudu te konstatovala da su navodi iz žalbe tačni, iako uočeni nedostaci suštinski nemaju nikakvog uticaja na ukupnu ponuđenu cijenu ponuđača „Almy“ d.o.o. Zenica .

Naime, cijena koja je izražena na sedam decimala u konačnom se razlikuje za iznos od 0,02KM više, ukoliko bi ista bila izražena na šest decimala. Dakle, uzimajući u obzir razloge zbog kojih je ugovorni organ ograničio broj decimala, cijena odabranog ponuđača u zbiru sa pojedinačnim cijenama iskazanim na šest decimala neznatno mijenja ukupnu cijenu ponude, tako da je ista uvećana za 0,02 KM na ukupnih ponuđenih 64.746,26 KM, odnosno ista u zbiru na šest decimala iznosi 64.746,28 KM.

U pogledu navoda žalitelja koji se odnose na adresu benzinske pumpe na kojoj će se vršiti isporuka goriva, ugovorni organ je uzeo u obzir činjenicu da je adresa predmetne pumpe u OPC i izvodu iz sudskog registra Vrandučka bb, koja se nalazi u naselju Ričice, kako je to ponuđač Almy d.o.o. Zenica naveo u izjavi koju žalitelj smatra spornom. Dakle, ugovorni organ nije smatrao propustom što je ponuđač naveo naziv naselja Ričice u kojem se zaista i nalazi predmetna pumpa, jer je to zapravo ista adresa, te ne stvara nikakvu zabunu niti nejasnoću u pogledu definisanja mjesta isporuke. Međutim, ugovorni organ cijeni da navedeni nedostaci predstavljaju zanemarljive manjkavosti, no kako ipak postoje kao formalni nedostaci odlučeno je kao u dispozitivu ove odluke.

S obzirom na sve naprijed navedeno, a imajući u vidu odredbu čl.100. stav 3. Zakona o javnim nabavkama („Službeni glasnik BiH“, broj 39/14) , odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.



DIREKTOR:

Kahriman Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a